

ՀԱՍՏԱՏՎԱԾ Է

«ՍԻԼ ԻՆՇՈՒՐԱՆՍ» ԱՓԲԸ Խորհրդի
«21» ապրիլի 2025թ.

Թիվ 02-Ո-25-005/06 որոշմամբ

Խորհրդի նախագահ՝

Է. Սուքիասյան



«ՍԻԼ ԻՆՇՈՒՐԱՆՍ» ԱՓԲԸ

«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ

Նախագիծը	Անուն/Ազգանուն	Պաշտոն	Ամսաթիվ	Ստորագրություն
ԿԱԶՄԵՑ	Ի. Շահբազյան	Մեթոդաբան	01.04.2025	
ՍՏՈՒԳԵՑ	Հ. Ռաֆայելյան	Իրավաբանական բաժնի պետ	07.04.2025	
ՀԱՎԱՆՈՒԹՅԱՆ Է ԱՐԺԱՆԱՑԵԼ	Ա. Մելքոնյան	Գործադիր տնօրեն	11.04.2025	

ԲՈՎԱՆԴԱԿՈՒԹՅՈՒՆ

1. ԸՆԴՀԱՆՈՒՐ ԴՐՈՅԹՆԵՐ	2
2. ՏԵՐՄԻՆԱԲԱՆՈՒԹՅՈՒՆ	3
3. ԱՊԱՀՈՎԱԳՐՈՒԹՅԱՆ ՕՐՅԵԿՏ	5
4. ԱՊԱՀՈՎԱԳՐԱԿԱՆ ՌԻՍԿ ԵՎ ԱՊԱՀՈՎԱԳՐԱԿԱՆ ՊԱՏԱՀԱՐ	5
5. ԱՊԱՀՈՎԱԳՐԱԿԱՆ ԳՈՒՄԱՐ, ԱՊԱՀՈՎԱԳՐԱՎՃԱՐ	7
6. ՊԱՅՄԱՆԱԳՐԻ ԿՆՔՈՒՄԸ ԵՎ ԳՈՐԾՈՂՈՒԹՅԱՆ ԺԱՄԿԵՏՆԵՐԸ	8
7. ԱՊԱՀՈՎԱԳՐՈՒԹՅԱՆ ՊԱՅՄԱՆԱԳՐԻ ԴԱԴԱՐՈՒՄԸ	9
8. ԿՈՂՄԵՐԻ ՓՈԽՀԱՐԱԲԵՐՈՒԹՅՈՒՆՆԵՐԸ ԱՊԱՀՈՎԱԳՐԱԿԱՆ ՊԱՏԱՀԱՐԻ ԴԵՊՔՈՒՄ	10
9. ԱՊԱՀՈՎԱԳՐԱԿԱՆ ՀԱՅՑԵՐԻ ԿԱՐԳԱՎՈՐՄԱՆ ԳՈՐԾԸՆԹԱՅԸ	12
10. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ	15
11. ՎՆԱՍԻ ՀԱՏՈՅՄԱՆ ՊԱՀԱՆՋԻ ԻՐԱՎՈՒՆՔՆ ԱՊԱՀՈՎԱԴՐԻՑ ԱՊԱՀՈՎԱԳՐՈՂԻՆ ԱՆՑՆԵԼԸ (ՍՈՒՐՐՈԳԱՑԻԱ)	18
12. ԱՅԼ ՊԱՅՄԱՆՆԵՐ	19
13. ԱՆՀԱՂԹԱՀԱՐԵԼԻ ՈւԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)	20
14. ՎԵՃԵՐԻ ԼՈՇՄԱՆ ԿԱՐԳ	20

 «ՍԻԼ ԻՆՇՈՒՐԱՆՍ» ԱՓԲԸ	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»
	S – 1.0	21.04.2025
Էջ 2/21		

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ՍԻԼ ԻՆՇՈՒՐԱՆՍ» ԱՓԲԸ «Սեյֆ Դրայվ» ապահովագրության պայմանների (այսուհետ՝ Պայմաններ) նպատակն է սահմանել «Սեյֆ Դրայվ» ծրագրով տրանսպորտային միջոցների ապահովագրության օբյեկտը, ապահովագրական պատահարը, ապահովագրական հատուցում և այլ հասկացությունների սահմանումները, ինչպես նաև կարգավորել Ապահովագրողի կողմից հատուցվող ծախսերի, չհատուցվող ծախսերի, հատուցում ստանալու համար անհրաժեշտ փաստաթղթերի, ապահովագրական պատահարի դեպքում՝ Կողմերի գործողությունները և ապահովագրական հատուցման հետ կապված այլ իրավահարաբերությունները:

1.2. Պայմանները մշակված են «Ապահովագրության և ապահովագրական գործունեության մասին» ՀՀ օրենքին, ՀՀ քաղաքացիական օրենսգրքին, «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքին, «Հայաստանի Ավտոապահովագրողների Բյուրո» ՀԿ-ի (այսուհետ՝ Բյուրո) կանոններին և այլ իրավական ակտերին համապատասխան:

1.3. «ՍԻԼ ԻՆՇՈՒՐԱՆՍ» ապահովագրական ՓԲԸ-ն ՀՀ ԿԲ կողմից տրված թիվ ԱՊՈ0004(0033) լիցենզիայի հիման վրա իրականացնում է ապահովագրություն «Ապահովագրության և ապահովագրական գործունեության մասին» ՀՀ օրենքի 7-րդ հոդվածի (Ապահովագրության տեսակները և դասերը) 2-րդ մասով (ոչ կյանքի ապահովագրություն) ամրագրված 3-րդ դասով՝ «Ցամաքային տրանսպորտի ապահովագրություն (բացառությամբ երկաթուղային)» դասով, որը ծածկում է ցամաքային ավտոտրանսպորտին պատճառված վնասներն ու կորուստները:

1.4. Սույն պայմաններով չսահմանված հասկացությունները կիրառվում են ՀՀ օրենսդրության և Բյուրոյի կողմից հաստատված կանոնների համաձայն, իսկ չկարգավորված հարաբերությունները կարգավորվում են «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքով և Բյուրոյի կողմից հաստատված կանոններով (այսուհետ՝ ԱՊՊԱ օրենսդրություն):

1.5. Սույն պայմանների շրջանակներում իրականացվող ապահովագրական հատուցումների սահմանաչափերը (ապահովագրական գումարը) և հաշվարկման կարգն ու վնասի գնահատման մեթոդաբանությունն իրականացվում է ԱՊՊԱ օրենսդրությամբ սահմանված կարգով, եթե այլ բան նախատեսված չէ Պայմանագրով:

1.6. Պայմանագիրը գործում է Հայաստանի Հանրապետության տարածքում:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 3/21	

1.7. Պայմանները կցվում են ապահովագրության Պայմանագրին/Վկայագրին (այսուհետ՝ Պայմանագիր)՝ հանդիսանալով դրա անբաժանելի մասը, և պարտադիր են Ապահովագրողի և Ապահովադրի (այսուհետ միասին նաև՝ Կողմեր), Լիազորված վարորդի համար, եթե Պայմանագրով այլ բան նախատեսված չէ: Պայմանագրի Կողմերը փոխադարձ համաձայնությամբ կարող են Պայմանագրով նախատեսել Պայմանների առանձին դրույթների փոփոխություն, չկիրառում կամ այլ դրույթներ, որոնք չեն հակասում ՀՀ օրենսդրությանը, ԱՊՊԱ օրենսդրությանը և այլ իրավական ակտերին:

1.8. Պայմաններն ուժի մեջ են մտնում 2025թ. մայիսի 01-ից:

1.9. Պայմաններում փոփոխությունները և/կամ լրացումները կատարվում են Պայմաններով և ՀՀ օրենսդրությամբ սահմանված դեպքերում ու հաստատվում են Ընկերության խորհրդի որոշմամբ:

1.10. Պայմանները հրապարակային օգտագործման փաստաթուղթ է և կարող է տեղադրվել Ընկերության պաշտոնական վեբ կայքում (www.silinsurance.am) և բջջային հավելվածում:

2. ՏԵՐՄԻՆԱԲԱՆՈՒԹՅՈՒՆ

2.1. Տերմիններ և հասկացություններ.

2.1.1. Ընկերություն - «ՍԻԼ Ինշուրանս» ԱՓԲԸ:

2.1.2. Պայմաններ - «Սեյֆ Դրայվ» ծրագրով տրանսպորտային միջոցի ապահովագրության պայմաններ:

2.1.3. Ապահովագրող - «ՍԻԼ Ինշուրանս» ապահովագրական փակ բաժնետիրական ընկերություն:

2.1.4. Ապահովադիր - Ապահովագրողի հետ Պայմանագիր կնքած՝ ՀՀ օրենսդրությամբ նախատեսված ցանկացած կազմակերպարավական ձևի իրավաբանական անձ, պետական և տեղական ինքնակառավարման մարմին, օտարերկրյա (ոչ ռեզիդենտ) կազմակերպություն, ֆիզիկական անձ, ներառյալ օտարերկրյա քաղաքացի և քաղաքացիություն չունեցող անձ, որոնք գործունակ են:

2.1.5. Ապահովագրության Պայմանագիր/Վկայագիր - Ապահովագրողի և Ապահովադրի միջև երկկողմանի ստորագրված գրավոր համաձայնություն, որի գործողության ընթացքում Ապահովագրողը պարտավոր է որոշակի միանվագ կամ պարբերական վճարի (ապահովագրավճարի) դիմաց Ապահովադրին (Տուժողին) որոշակի ապահովագրական գումարի շրջանակներում հատուցել ապահովագրական պատահարի տեղի ունենալու արդյունքում պատճառված վնասը կամ դրա մի մասը կամ

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ		Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ			S – 1.0	21.04.2025
			Էջ 4/21	

տրամադրել որոշակի գումար (ապահովագրական հատուցում) (բացառությամբ՝ Պայմաններով նախատեսված բացառությունների, եթե Պայմանագրով այլ բան նախատեսված չէ), իսկ Ապահովադիրը պետք է վճարի Պայմանագրում հաշվարկված ապահովագրավճարը դրանում նշված չափով, կարգով և ժամկետներում: Պայմանագիրը կարող է կնքվել նաև Պայմանների 6.3. կետով սահմանված եղանակներից մեկով:

2.1.6. Ապահովագրության օբյեկտ - ապահովագրման ենթակա գույքային շահերը:

2.1.7. Ցամաքային տրանսպորտային միջոց (այսուհետ՝ SU) - ընդհանուր օգտագործման ավտոմոբիլային ճանապարհներով մարդկանց (ուղևորներ) կամ բեռներ փոխադրելու կամ բեռներ փոխադրելու համար օգտագործվող տրանսպորտային միջոցի քարշակման համար նախատեսված մեխանիկական տրանսպորտային միջոց, մասնավորապես՝ **թեթև մարդատար ավտոմեքենա, ավտոբուս, միկրոավտոբուս, բեռնատար ավտոմեքենա, բեռնաուղևորատար ավտոմեքենա, հիբրիդային ավտոմեքենա և էլեկտրամեքենա**: Սույն պայմանների իմաստով SU չեն համարվում մոպեդները, մոտոցիկլերը, տրիցիկլերը և քվադրիցիկլերը:

2.1.8. Ապահովագրական ռիսկ - ապահովագրման ենթակա հնարավոր իրադարձություն, որը կարող է տեղի ունենալ Պայմանագրի գործողության ընթացքում՝ կրելով հանկարծակի և պատահական բնույթ, ու կախված չլինելով Կողմերի կամ Լիազորված վարորդի կամքից:

2.1.9. Ապահովագրական պատահար - Պայմանագրով նախատեսված իրադարձություն, որի տեղի ունենալու ուժով (բացառությամբ Պայմանագրով կամ Պայմաններում նախատեսված դեպքերի) Ապահովագրողը պարտավորվում է Ապահովադիրին (Տուժողին) վճարել ապահովագրական հատուցում՝ Պայմաններում և Պայմանագրում նշված կարգով:

2.1.10. Ապահովագրական հատուցում (այսուհետ՝ Հատուցում) - ապահովագրական պատահար տեղի ունենալու արդյունքում Ընկերության կողմից Պայմանագրի հիման վրա Ապահովադիրին (Տուժողին) վճարման ենթակա գումար՝ դրամական արտահայտությամբ:

2.1.11. Ապահովագրական գումար - Պայմանագրի գործողության ընթացքում Պայմանագրով նախատեսված Ապահովագրողի պատասխանատվության առավելագույն չափը:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 5/21	

2.1.12. Ապահովագրավճար – Պայմանագրով սահմանված չափով և պայմաններով Ապահովադրի կողմից Ապահովագրողին հնարավոր ապահովագրական հատուցման դիմաց վճարվելիք գումար:

2.1.13. Լիազորված վարորդ – պատահարի ժամանակ ՏՄ-ն օրինական հիմքով տիրապետող անձ:

2.1.14. Տուժող – ՏՄ-ի օգտագործման հետևանքով ԱՊՊԱ օրենսդրությամբ նախատեսված գույքին պատճառված վնասներ կրած անձ, որը ԱՊՊԱ օրենսդրությամբ և Պայմաններով սահմանված կարգով ունի հատուցման իրավունք: Տուժող են համարվում նաև սույն ենթակետի առաջին նախադասությամբ նախատեսված՝ անձի մահվան դեպքում ԱՊՊԱ օրենսդրության համաձայն վնասների հատուցման իրավունք ունեցող անձինք: Տուժողի մահվանից կամ գործունեության դադարեցումից հետո նրա վերաբերյալ Պայմաններով սահմանված կարգավորումները տարածվում են նրա իրավահաջորդների վրա:

3. ԱՊԱՀՈՎԱԳՐՈՒԹՅԱՆ ՕԲՅԵԿՏ

3.1. Սույն պայմաններով ապահովագրության օբյեկտ են Ապահովադրի՝ ՀՀ օրենսդրությանը չհակասող գույքային շահերը՝ կապված ՏՄ-ի տիրապետման և/կամ օգտագործման/շահագործման հետ՝ Պայմանների 1.3 կետով նախատեսված դասին համապատասխան:

3.2. Պայմանների համաձայն կարող է ապահովագրվել այն ՏՄ-ն, որի նկատմամբ Ապահովադրի մոտ առկա է գույքային շահ:

4. ԱՊԱՀՈՎԱԳՐԱԿԱՆ ՌԻՍԿ ԵՎ ԱՊԱՀՈՎԱԳՐԱԿԱՆ ՊԱՏԱՀԱՐ

4.1. Ապահովագրողն իրականացնում է «ՍԵՅՖ Դրայվ» ծրագրով տրանսպորտային միջոցի ապահովագրությունը Պայմաններում նշված ապահովագրական ռիսկերից, եթե Պայմանագրով և/կամ Պայմաններով այլ բան նախատեսված չէ:

4.2. Սույն պայմանների համաձայն՝ հատուցման ենթակա է Ապահովագրության օբյեկտին պատճառված այն գույքային վնասը, որը ենթակա է հատուցման առաջին հերթին վնաս պատճառողի ԱՊՊԱ պայմանագրով և գերազանցում է վնաս պատճառողի ԱՊՊԱ պայմանագրով և ՏՄ-ի գծով այլ ապահովագրության պայմանագրերով հատուցման ենթակա ապահովագրական գումարների հանրագումարի չափը: Սույն պայմաններով հատուցվում է Ապահովագրության օբյեկտին պատճառված վնասի գումարի՝ վնաս

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 6/21	

պատճառողի ԱՊՊԱ պայմանագրով և ՏՄ-ի գծով այլ ապահովագրության պայմանագրերով հատուցված գումարների հանրագումարը գերազանցող մասը, բայց ոչ ավել, քան Պայմանագրով սահմանված ապահովագրական գումարի չափը:

4.3. Սույն պայմանների համաձայն՝ ապահովագրական պատահարի դեպքում ապահովագրական հատուցումը ենթակա է վճարման հետևյալ պայմաններից առնվազն մեկի առկայության պարագայում.

4.3.1. Եթե բացակայում է ապահովագրված ՏՄ-ի վարորդի մեղավորությունը, և Ապահովադիրը ԱՊՊԱ-ի շրջանակներում ստացել է գույքին պատճառված վնասների հատուցում (բացառությամբ Պայմանների 4.4.1 և 4.4.4 կետերով նախատեսված դրույթները):

4.3.2. Եթե ապահովագրված ՏՄ-ի վարորդը մասնակի է մեղավոր (պատահարում առկա է նաև այլ անձանց մեղավորությունը), և Ապահովադիրը ԱՊՊԱ-ի շրջանակներում ստացել է հատուցում իր գույքին պատճառված վնասի 50 տոկոսի չափով: Տվյալ պարագայում Ապահովադիրի վնասի առավելագույն չափ է սահմանվում Ապահովագրության օբյեկտին պատճառված վնասի 50 տոկոսը, և Պայմանների 4.2 կետի տրամաբանությամբ Ապահովադիրին հատուցվում է Ապահովագրության օբյեկտին պատճառված վնասի գումարի 50 տոկոսի և վնաս պատճառողի ԱՊՊԱ պայմանագրով ու ՏՄ-ի գծով այլ ապահովագրության պայմանագրերով հատուցված գումարների հանրագումարի տարբերության չափը, բայց ոչ ավել, քան Պայմանագրով սահմանված ապահովագրական գումարի չափը (բացառությամբ Պայմանների 4.4.1 և 4.4.4 կետերով նախատեսված դրույթները):

4.4. Սույն պայմանների շրջանակներում Ապահովագրական պատահար չի հանդիսանում և Ապահովագրողի կողմից հատուցում չի իրականացվում, եթե.

4.4.1. Տվյալ պատահարը կարգավորվել է Պարզեցված հատուցման գործընթացով, կամ

4.4.2. Տվյալ պատահարի հետևանքով Պայմանագրում նշված ապահովագրության օբյեկտին պատճառված վնասը վնաս պատճառողի գործող ԱՊՊԱ պայմանագրով և ԱՊՊԱ օրենսդրության համաձայն ենթակա չէ հատուցման, կամ

4.4.3. Ապահովադիրին ԱՊՊԱ օրենսդրությամբ սահմանված կարգով մերժվել է ապահովագրական հատուցում վճարելը, կամ

4.4.4. Տվյալ պատահարում մեղավորությունն ընդունած կամ մեղավոր ճանաչված վարորդի վարած տրանսպորտային միջոցի հետ պատահարին մասնակից մյուս տրանսպորտային միջոցները (կամ միջոցներից մեկը) որևէ փոխազդեցության մեջ չեն (չի) մտել:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 7/21	

5. ԱՊԱՀՈՎԱԳՐԱԿԱՆ ԳՈՒՄԱՐ, ԱՊԱՀՈՎԱԳՐԱՎՃԱՐ

5.1. Ապահովագրական գումարը և Ապահովագրավճարի չափը սահմանվում է Պայմանագրով:

5.2. Յուրաքանչյուր ապահովագրական պատահարից հետո ապահովագրական գումարը նվազում է վճարված ապահովագրական հատուցման գումարի չափով: Սակայն Ապահովադրի ցանկությամբ կարող է նվազած ապահովագրական գումարը վերականգնվել Պայմանագրին կից համաձայնագրի (հավելվածի) երկկողմանի կնքմամբ՝ Ապահովագրողի կողմից հաշվարկված լրացուցիչ ապահովագրավճարը Ապահովադրի կողմից նախապես վճարվելու պայմանով:

5.3. Ապահովագրավճարը Կողմերի համաձայնությամբ կարող է վճարվել միանվագ կամ տարաժամկետ, որի վճարման չափը, կարգն ու ժամկետները սահմանվում են Պայմանագրով: Պայմանագրով սահմանված ապահովագրավճարի վճարման կարգը և ժամկետները Ապահովադրի կողմից խախտվելու դեպքում Ապահովագրողն իրավունք ունի միակողմանի, առանց ծանուցման, լուծել Պայմանագիրը վճարման ենթակա ապահովագրավճարի համապատասխան չափի վճարման համար սահմանված վերջնաժամկետն ավարտվելու հաջորդ օրվանից:

5.4. Եթե Պայմանագրի ուժի մեջ մտնելու պահից 14-օրյա ժամկետում Ապահովադիրը չի վճարում միանվագ կամ առաջին հերթական ապահովագրավճարը, ապա Ապահովագրողն իրավունք ունի միակողմանի, առանց ծանուցման, լուծել Պայմանագիրը սույն կետով սահմանված ժամկետին հաջորդող 5-րդ օրվանից սկսած, եթե Պայմանագրով այլ ժամկետ սահմանված չէ:

5.5. Եթե Պայմանագրով նախատեսվել է ապահովագրավճարի տարաժամկետ վճարման պարտավորություն, և Հատուցում տրամադրելու պահի դրությամբ ապահովագրավճարն ամբողջությամբ կամ դրա հերթական մասը վճարված չէ, ապա Ապահովագրողը հատուցվող գումարը կարող է նվազեցնել չվճարած ամբողջ ապահովագրավճարի չափով՝ անկախ Պայմանագրով սահմանված Ապահովագրավճարի վճարման ժամկետներից:

5.6. Ապահովագրողն ազատվում է հատուցում կատարելու պարտականությունից և իրավունք ունի մերժելու ապահովագրական հատուցումը, եթե Ապահովադիրն ապահովագրական պատահարի տեղի ունենալու պահի դրությամբ ապահովագրավճարի վճարման գծով ունի ժամկետանց պարտավորություններ:

 «ՍԻԼ ԻՆՇՈՐԱՆՍ» ԱՓԲԸ	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»
	S – 1.0	21.04.2025
Էջ 8/21		

6. ՊԱՅՄԱՆԱԳՐԻ ԿՆՔՈՒՄԸ ԵՎ ԳՈՐԾՈՂՈՒԹՅԱՆ ԺԱՄԿԵՏՆԵՐԸ

6.1. Պայմաններով ապահովագրման ենթակա է սեփականության վկայականի, վարձակալության կամ լիզինգի պայմանագրի հիման վրա, ինչպես նաև քաղաքացիաիրավական օրենսդրությամբ նախատեսված այլ հիմքերով շահագործման ենթակա ՏՄ-ն:

6.2. Ապահովագրողի համար Պայմանագրի կնքման հիմք է հանդիսանում Ապահովագրի բանավոր հայտը կամ նրա կողմից լրացված դիմում-հարցաթերթիկը (որը տրամադրվում է Ապահովագրի կողմից):

6.3. Պայմանագիրը կնքվում է գրավոր ձևով, երկու օրինակից, երկկողմանի ստորագրությամբ մեկ փաստաթուղթ կազմելու միջոցով: Անհրաժեշտության դեպքում կարող է կնքվել երկուսից ավելի օրինակով: Պայմանագիրը կարող է կնքվել նաև էլեկտրոնային եղանակով՝ հաստատված երկու կողմերի էլեկտրոնային թվային ստորագրություններով կամ Ապահովագրողի առցանց էլեկտրոնային հավելվածի միջոցով, որոնք ունեն նույն իրավաբանական ուժը, ինչ Կողմերի կողմից ձեռագիր ստորագրած Պայմանագիրը:

6.4. Պայմանագրին կից կարող են թողարկվել համաձայնագրեր կամ հավելվածներ, որոնք հանդիսանում են դրա անբաժանելի մասը:

6.5. Երկկողմանի ստորագրությամբ մեկ փաստաթուղթ կազմելու միջոցով կնքված Պայմանագրի կորստի կամ վնասվածքի դեպքում Ապահովագրողը, Ապահովագրի դիմումի համաձայն, վերջինիս տրամադրում է Պայմանագրի կրկնօրինակը՝ նման դիմում ներկայացվելուց հետո 3 աշխատանքային օրվա ընթացքում:

6.6. Պայմանագիրը կնքվում է մեկ տարի ժամկետով, եթե այլ բան նախատեսված չէ Պայմանագրով:

6.7. Եթե Պայմանագրի կնքումից հետո պարզվել է, որ Ապահովագիրը սուտ կամ իրականությանը չհամապատասխանող կամ ապակողմնորոշիչ կամ կեղծ կամ ոչ ամբողջական տեղեկություններ է հայտնել ապահովագրական պատահարի տեղի ունենալու հավանականության վրա ազդող հանգամանքների վերաբերյալ, ապա Ապահովագրողն իրավունք ունի Պայմանագիրը միակողմանի վաղաժամկետ լուծել՝ որպես Ապահովագրի կողմից թույլ տրված Պայմանագրի էական խախտում, և կիրառել Պայմանների 7.1.8 կետով նախատեսված իրավական հետևանքները:

6.8. ՏՄ-ի նկատմամբ իրավատիրոջ իրավունքները (սեփականության, վարձակալության, լիզինգի իրավունք և այլն) Ապահովագրից այլ անձի անցնելու դեպքում Պայմանագրով ձեռք բերված իրավունքներն այլ անձի անցնում են միայն Ապահովագրողի համաձայնությամբ, որի վերաբերյալ Ապահովագրողի, Ապահովագրի և համապատասխան անձի միջև

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 9/21	

եռակողմ ստորագրությամբ մեկ փաստաթուղթ կազմելու միջոցով կնքվում է համապատասխան փաստաթուղթ:

6.9. Եթե ՏՄ-ի նկատմամբ իրավատիրոջ իրավունքները (սեփականության, վարձակալության, լիզինգի իրավունք և այլն) Ապահովադրի կողմից փոխանցվել է այլ անձի, ինչի մասին Ընկերությունը գրավոր ձևով չի տեղեկացվել, ինչպես նաև առկա չի եղել Պայմանների 6.8 կետով նախատեսված Ընկերության համաձայնությունը, ապա ապահովագրական պատահարի դեպքում ապահովագրական հատուցման պահանջը ենթակա է մերժման:

7. ԱՊԱՀՈՎԱԳՐՈՒԹՅԱՆ ՊԱՅՄԱՆԱԳՐԻ ԴԱԴԱՐՈՒՄԸ

7.1. Պայմանագիրը դադարում է.

7.1.1 Եթե ավարտվել է Պայմանագրի գործողության ժամկետը:

7.1.2 Եթե բացակայում է ապահովագրության օբյեկտը կամ վերացել է ապահովագրական ռիսկը:

7.1.3 Եթե մահացել է ֆիզիկական անձ Ապահովադիրը կամ լուծարվել է իրավաբանական անձ հանդիսացող Ապահովադիրը:

7.1.4 Եթե Ապահովագրողը կատարել է ապահովագրական հատուցում Պայմանագրով սահմանված ապահովագրական գումարի չափով:

7.1.5 Եթե տեղի է ունեցել ՏՄ-ի կորուստ ոչ ապահովագրական պատահարի պատճառով:

7.1.6 Եթե առկա է Ապահովագրողի և Ապահովադրի փոխադարձ համաձայնությունը:

7.1.7 Ապահովադրի կամ Ապահովագրողի նախաձեռնությամբ՝ այդ մասին ոչ պակաս, քան 15 օր առաջ ծանուցելով մյուս Կողմին՝ պայմանով, որ հրաժարման պահին Ապահովագրական պատահարի տեղի ունենալու հավանականությունը չի վերացել:

7.1.8 Ապահովադրի կամ Ապահովագրողի նախաձեռնությամբ, եթե մյուս կողմը թույլ է տվել Պայմանագրի էական խախտում՝ խախտումը հայտնաբերելու պահից եռամսյա ժամկետում: Պայմանագրի էական խախտում է համարվում Պայմանագրով և Պայմաններով նախատեսված պարտավորությունների ցանկացած խախտում:

7.1.9 Պայմանագրով կամ Պայմաններով կամ ՀՀ օրենսդրությամբ նախատեսված այլ հիմքերով:

7.2. Պայմանների 7.1.1 և 7.1.5 կետերով նախատեսված հիմքերով Պայմանագիրը դադարելու դեպքում Ապահովադիրին ապահովագրավճար չի վերադարձվում:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ		Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ			S – 1.0	21.04.2025
			Էջ 10/21	

7.3. Պայմանների 7.1.2, 7.1.3, 7.1.4 և 7.1.7 (Ապահովագրողի նախաձեռնության դեպքում) կետերով նախատեսված հիմքերով Պայմանագիրը դադարելու դեպքում Ապահովադիրին վերադարձվում է Պայմանագրի չլրացած ժամկետին համամասնորեն հաշվարկված Ապահովագրավճարը, եթե Պայմանագրից հրաժարվելու պահին ապահովագրական որևէ պատահար չի գրանցվել կամ հայց չի ներկայացվել:

7.4. Պայմանների 7.1.6 և 7.1.7 (Ապահովադրի նախաձեռնության դեպքում) կետերով նախատեսված հիմքերով Պայմանագիրը դադարելու դեպքում Ապահովադիրին վերադարձվում է ապահովագրավճարը՝ համաձայն ստորև նշված բանաձևի՝

$$ԱՎ = 0,8 * Ա * Պ_2 / \Pi,$$

որտեղ՝

Ավ - Ապահովադիրին վերադարձման ենթակա ապահովագրավճար,

Ապ - Պայմանագրով սահմանված ապահովագրավճար,

Պ₂ - Պայմանագրի գործողության չլրացած օրերի քանակ,

Պ - Պայմանագրի գործողության օրերի քանակ:

7.5. Պայմանագիրը Ապահովադրի նախաձեռնությամբ վաղաժամկետ լուծվելու դեպքում, եթե այն պայմանավորված է Ապահովագրողի կողմից Պայմանագրով ստանձնած պարտավորությունները չկատարելու և/կամ խախտելու հանգամանքով, ապա չկատարման և/կամ խախտման փաստն Ապահովադրի կողմից ապացուցվելու դեպքում Ապահովագրողն Ապահովադիրին է վերադարձնում ստացված ապահովագրավճարների և վճարված ապահովագրական հատուցումների դրական տարբերությունը: Խախտման փաստն Ապահովադրի կողմից չապացուցվելու դեպքում կիրառվում է Պայմանների 7.4 կետով նախատեսված պահանջները:

7.6. Պայմանագիրը Ապահովագրողի նախաձեռնությամբ վաղաժամկետ լուծվելու դեպքում, եթե այն պայմանավորված է Ապահովադրի կողմից Պայմանագրով ստանձնած պարտավորությունները չկատարելու և/կամ խախտելու հանգամանքով, ապահովագրավճարը չի վերադարձվում:

8. ԿՈՂՄԵՐԻ ՓՈԽՀԱՐԱԲԵՐՈՒԹՅՈՒՆՆԵՐԸ ԱՊԱՀՈՎԱԳՐԱԿԱՆ ՊԱՏԱՀԱՐԻ ԴԵՊՔՈՒՄ

8.1. Պատահար տեղի ունենալու դեպքում Ապահովադիրը և/կամ Լիազորված վարորդը պարտավոր են.

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 11/21	

8.1.1. Պատահարի մասին տեղեկացնել Ապահովագրողին Պայմանագրում նշված հեռախոսահամար(ներ)ով.

8.1.1.1. Պատահարի հետևանքով պատահարում ներգրավված որևէ անձի մահվան կամ առողջությանը վնաս պատճառված լինելու դեպքում՝ պատահարի պահից 48 ժամվա ընթացքում՝ պայմանով, որ տվյալ պատահարի հետևանքով առողջությանը վնաս պատճառված անձը պատահարի պահից 3 ժամվա ընթացքում, տվյալ պատահարի հետևանքով ստացված վնասվածքների հետ կապված, դիմել է (ինքնուրույնաբար կամ նրան տեղափոխել են) բժշկական հաստատություն, որի վերաբերյալ ապացույցները ներկայացնելու պարտականությունը կրում է Ապահովագիրը:

8.1.1.2. Պայմանների սույն կետի 8.1.1.1 ենթակետով չնախատեսված դեպքերում՝ պատահարի պահից 40 րոպեի ընթացքում:

8.1.2. Ապահովագրողին հեռախոսազրույցի ժամանակ հնարավորության դեպքում հայտնել.

8.1.2.1. Պատահարում ներգրավված ՏՄ-ների հաշվառման համարանիշերը, վարորդների տվյալները (անուն, ազգանուն, հայրանուն, վարորդական իրավունքի վկայականը), ինչպես նաև իրենց հայտնի ցանկացած այլ տվյալ, որը կարող է նշանակություն ունենալ պատահարի առաջացման համար:

8.1.2.2. Պատահարի ընդհանուր նկարագրությունը (Ապահովագրողի պահանջի դեպքում):

8.1.3. Ողջամիտ և անհրաժեշտ միջոցներ ձեռնարկել վնասների կանխման կամ նվազեցման համար, ինչպես նաև ապահովել իր իրավունքների և շահերի պատշաճ պաշտպանությունը այլ կողմերի հետ հարաբերություններում:

8.1.4. Չստանձնել որևէ պարտավորություն կամ չընդունել որևէ պատասխանատվություն կամ մեղավորություն կամ չստորագրել որևէ փաստաթուղթ կամ չկատարել որևէ առաջարկ, խոստում կամ վճարում կամ որևէ ծախս՝ առանց Ապահովագրողի հետ նախնական գրավոր համաձայնության, ինչպես նաև Ապահովագրողի պահանջով տրամադրել պատահարի հանգամանքների պարզմանն ուղղված օժանդակություն և բոլոր անհրաժեշտ փաստաթղթերը:

8.1.5. Գործել ի շահ Ապահովագրողի:

8.2. Ապահովագիրը պարտավոր է նաև՝

8.2.1. Պահպանել ՏՄ-ն և/կամ նրա մնացորդները, վնասված մասերը հետվթարային (չվերանորոգված, չապամոնտաժված) վիճակում մինչև Ապահովագրողի

 «ՍԻԼ ԻՆՇՈՐԱՆՍ» ԱՓԲԸ	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ		Կող /09-ՊՄ25-001/«ՀՐՊ»
			S – 1.0 21.04.2025
			Էջ 12/21

ներկայացուցչի կամ վերջինիս կողմից մատնանշված մասնագետի (փորձագետի) կողմից զննումը:

- 8.2.2. Ապահովագրողին անհապաղ հայտնել մեղավոր կողմից հատուցում ստանալու մասին:
- 8.2.3. Ապահովագրողին վերջինիս պահանջով տալ լիազորագիր դատարանում կամ պետական այլ մարմիններում Ապահովագրողի շահերի ներկայացման համար:
- 8.2.4. Տեղեկանալուց հետո անհապաղ Ապահովագրողին տեղեկացնել Պատահարը տեղի ունենալու կամ դրա արդյունքում պատճառված վնասների առթիվ քաղաքացիական, քրեական կամ վարչական գործ/վարույթ հարուցվելու վերաբերյալ և ներկայացնել նման գործ կամ վարույթ հարուցված լինելը ապացուցող փաստաթղթեր:
- 8.2.5. Ապահովագրողին տրամադրել ապահովագրական պատահարի վերաբերյալ իրեն հայտնի և իր տրամադրության տակ առկա բոլոր տեղեկությունները և փաստաթղթերը:

9. ԱՊԱՀՈՎԱԳՐԱԿԱՆ ՀԱՅՑԵՐԻ ԿԱՐԳԱՎՈՐՄԱՆ ԳՈՐԾԸՆԹԱՑԸ

9.1. Պատահարի տեղի ունենալուն հաջորդող **7 ԱՇԽԱՏԱՆՔԱՅԻՆ ՕՐՎԱԸՆԹԱՑՔՈՒՄ** Ապահովագրողը (Տուժողը) կամ նրա կողմից լիազորված անձը պարտավոր է ներկայացնել հայցային դիմում՝ Պայմանագրին ու Պայմաններին համապատասխան: Սահմանված ժամկետում և կարգով Ապահովագրողին գրավոր հայցային դիմում չներկայացնելը ապահովագրական հատուցումը մերժելու հիմք է, բացառությամբ այն դեպքերի, երբ Ապահովագրողը (Տուժողը) ներկայացրել է հայցային դիմումը ուշ ներկայացնելու պատճառներ, որոնք Ապահովագրողի կողմից հարգելի են համարվել:

9.2. Հայցային դիմումին կից պետք է ներկայացվեն ապահովագրական հատուցման համար անհրաժեշտ հետևյալ փաստաթղթերն ու ապացույցները.

- 9.2.1. Ապահովագրողի (տուժողի) անձնագիրը, սոցիալական քարտը կամ ՀԾՀ հատկացնելու մասին տեղեկանքը (առկայության դեպքում):
- 9.2.2. ՏՄ-ի հաշվառման վկայագիրը կամ սեփականությունը հիմնավորող այլ փաստաթուղթ:
- 9.2.3. ՏՄ-ի վարորդի սթափության վիճակի զննման ակտը:
- 9.2.4. ՏՄ-ին պատճառված վնասի համար պատասխանատու անձի տվյալները և տեղի ունեցած պատահարին մասնակից տրանսպորտային միջոցի (միջոցների)

 «ՍԻԼ ԻՆՇՈՐԱՆՍ» ԱՓԲԸ	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
		S – 1.0	21.04.2025
	Էջ 13/21		

վերաբերյալ իրեն հայտնի տվյալները (ավտոմեքենայի մակնիշը, հաշվառման համարանիշը, գույնը և այլն):

9.2.5. ԱՊՊԱ օրենսդրության համաձայն հաշվարկված վնասի չափը և վնաս պատճառած անձի մեղավորությունը (մասնակի մեղավորությունը) հավաստող փաստաթղթեր:

9.2.6. ԱՊՊԱ օրենսդրության համաձայն՝ Ապահովագրին ԱՊՊԱ գործընթացի շրջանակներում Ապահովագրական հատուցումը վճարելու վերաբերյալ որոշումը:

9.2.7. Պետական իրավասու մարմնի կողմից տրված կամ կազմված պատահարի մասին արձանագրությունը (եզրակացությունը):

9.2.8. Առկայության դեպքում՝ քրեական գործի վարույթը կարճելու վերաբերյալ որոշումը, որոշման հիմքում ընկած փաստաթղթեր (դեպքի վայրի սխեմա, բացատրություններ, ցուցմունքներ, պատահարի առաջացման պատճառների փորձագիտական եզրակացություն), կամ օրինական ուժի մեջ մտած դատական ակտ:

9.2.9. Ապահովագրողի գրավոր պահանջով ցանկացած այլ փաստաթուղթ, որն անհրաժեշտ է ապահովագրական գործի քննության համար:

9.3. Հատուցում ստանալու վերաբերյալ հայցային դիմումը Ապահովագրողին իրավասու անձի կողմից ներկայացվելուց հետո Ապահովագրիրը պարտավոր է երեք ամսվա ընթացքում ներկայացնել Պայմանների 9.2 կետով նշված համապատասխան փաստաթղթերը, որոնք Ապահովագրողին չներկայացվելու դեպքում վերջինս իրավասու է մերժել վերոնշյալ հայցային դիմումը:

9.4. Եթե առկա լինեն այնպիսի հարգելի հանգամանքներ, որոնք կարող են անհնարին դարձնել ապահովագրական հատուցում ստանալու վերաբերյալ դիմում ներկայացրած անձի կողմից Պայմանների 9.3 կետում նշված ժամկետում համապատասխան փաստաթղթերի ներկայացումը, ապա վերջինն այդ հանգամանքների մասին պարտավոր է, մինչև այդ ժամկետի լրանալը, գրավոր տեղեկացնել Ապահովագրողին՝ ներկայացնելով անհնարինությունը հիմնավորող ապացույցները: Նշված հանգամանքների մասին սահմանված ժամկետում և կարգով տեղեկացված չլինելու կամ դրանք հարգելի չհամարելու դեպքում Ապահովագրողը մերժում է ապահովագրական հատուցումը:

9.5. Պայմաններով նախատեսված համապատասխան անձի կողմից հայցային դիմումին կից ներկայացվող փաստաթղթերի ցանկի վրա Ապահովագրողի համապատասխան աշխատողը գրառում է կատարում ստացման ամսաթվի մասին:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 14/21	

9.6. Եթե պատահարի գծով առկա է քաղաքացիական, քրեական կամ վարչական գործ/վարույթ կամ նույն պատահարի վերաբերյալ և ապահովագրական հատուցման վճարումը կախված է այդ գործի/վարույթի ելքից, ապա հատուցման որոշման կայացման ժամկետները կասեցվում են մինչև տվյալ գործի/վարույթի ավարտը:

9.7. Քաղաքացիական, քրեական կամ վարչական գործ/վարույթ հարուցված լինելու դեպքում ՏՄ-ին պատճառված վնասների չափը գնահատվում է, և դրանում անձի մեղավորության աստիճանը որոշվում է գործն ըստ էության լուծող և օրինական ուժի մեջ մտած դատական ակտով, իսկ այդպիսի գործ/վարույթ հարուցված չլինելու կամ այդպիսի գործն ըստ էության լուծող դատական ակտ չընդունվելու դեպքում Ապահովագրողի կողմից մատնանշված համապատասխան որակավորում և/կամ իրավասություն ունեցող փորձագետի եզրակացությամբ, եթե Ապահովագրողը չի ընդունել ԱՊՊԱ գործընթացում կազմված փորձագետի եզրակացությունները:

9.8. Ապահովագրական պատահարի առաջացման պատճառները պարզելու, ինչպես նաև ՏՄ-ին պատճառված վնասի չափը որոշելու նպատակով Ապահովագրողը կարող է իր հաշվին նշանակել փորձաքննություն: Ապահովադրի (Տուժողի) կամ Լիազորված վարորդի կողմից տվյալ փորձաքննության անցկացմանը խանգարելու կամ դրանից հրաժարվելու դեպքում Ընկերությունն իրավունք ունի մերժելու ապահովագրական հատուցման վճարումը:

9.9. Ապահովագրողն իրավունք ունի վերանայել արդեն իսկ կայացված որոշումը, եթե նշված որոշման կայացումից հետո Ապահովադրի (Տուժողի) կամ Լիազորված վարորդի կամքից անկախ ի հայտ են եկել ապահովագրական գործի քննության համար էական նշանակություն ունեցող նոր երևան եկած հանգամանքներ կամ ներկայացվել են նոր ապացույցներ: Ապահովադրի կողմից նոր ապացույցներ կամ նոր երևան եկած հանգամանքներ կարող են ներկայացվել ապահովագրական հատուցման (մերժման) որոշման կայացումից հետո վեց ամսվա ընթացքում: Նոր երևան եկած հանգամանքները հիմք են կայացված որոշման վերանայման համար, եթե Ապահովադիրն ապացուցում է, որ այդ հանգամանքները գոյություն են ունեցել որոշման կայացման պահին, հայտնի չեն եղել և չէին կարող հայտնի լինել Ապահովադրին, և այդ հանգամանքները ապահովագրական գործընթացի համար ունեն էական նշանակություն:

9.10. Ապահովագրողին բոլոր անհրաժեշտ փաստաթղթերը ներկայացվելուց հետո 20 (քսան) աշխատանքային օրվա ընթացքում Ապահովագրողը որոշում է կայացնում հայցային դիմումի բավարարման կամ մերժման վերաբերյալ:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ		Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ			S – 1.0	21.04.2025
			Էջ 15/21	

9.11. Հայցային դիմումի բավարարման դեպքում Ապահովագրողի կողմից ապահովագրական հատուցման վճարումը կատարվում է տվյալ հայցի կարգավորման վերաբերյալ որոշման կայացումից հետո 20 (քսան) աշխատանքային օրվա ընթացքում:

9.12. Ապահովադիրը (տուժողը) կրում է իր կողմից Ապահովագրողին ներկայացված փաստաթղթերի, ներառյալ՝ պատճենների, ոչ հավաստի և կեղծ լինելու բոլոր բացասական, այդ թվում՝ իրավական հետևանքները:

10. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

10.1. Ապահովադիրն իրավունք ունի.

10.1.1. Ապահովագրողից պահանջել վերջինիս պետական գրանցման և գործունեության թույլտվությունը հավաստող փաստաթղթերի պատճենները:

10.1.2. Ապահովագրողի հետ հարաբերություններում հանդես գալ ապահովագրական միջնորդի (բրոքեր կամ գործակալ) միջոցով:

10.1.3. Պայմանագրի կորստի կամ վնասվածքի դեպքում ստանալ Պայմանագրի կրկնօրինակը:

10.1.4. Իր և Ապահովագրողի միջև ծագած տարաձայնությունների դեպքում դիմել Ֆինանսական համակարգի հաշտարարին «Ֆինանսական համակարգի հաշտարարի մասին» ՀՀ օրենքով սահմանված դեպքերում և կարգով:

10.2. Ապահովադիրը պարտավոր է.

10.2.1. Պատշաճ կերպով կատարել Պայմանագրով ստանձնած իր պարտականությունները:

10.2.2. Մինչև Պայմանագրի կնքելը ծանոթանալ Պայմաններին:

10.2.3. Պայմանագրի և Պայմանների մասին տեղեկացնել Լիազորված վարորդին կամ ՏՄ-ի շահագործման/պահպանման մեջ շահագրգռվածություն ունեցող այլ անձանց: Նշված անձանց կողմից Պայմանագրի և Պայմանների պահանջների չկատարումը դիտվում է որպես Ապահովադիրի կողմից Պայմանագրի և Պայմանների պահանջների չկատարում:

10.2.4. Պայմանագրում նշված կարգով և ժամկետներում վճարել ապահովագրավճարը:

10.2.5. Պայմանագրի կնքման ժամանակ հայտնել կամ նշել անհրաժեշտ և ստույգ տվյալներ ապահովագրվող ՏՄ-ի և հավանական իրադարձությունների վերաբերյալ, որոնք նշանակություն ունեն ապահովագրական պատահարի ի հայտ գալու հավանականության որոշման համար:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 16/21	

- 10.2.6. Ապահովագրողին անհապաղ, բայց ոչ ուշ, քան 1 աշխատանքային օրվա ընթացքում, գրավոր ձևով հայտնել Պայմանագիրը կնքելիս տրամադրված տեղեկատվության՝ իրեն հայտնի դարձած փոփոխությունների մասին:
- 10.2.7. Ապահովագրողին տեղեկացնել ապահովագրության օբյեկտի վերաբերյալ նույն ռիսկից մյուս բոլոր ապահովագրության պայմանագրերի առկայության մասին,
- 10.2.8. Ապահովագրողի պահանջից հետո երկու աշխատանքային օրվա ընթացքում վերջինիս հաշվին ՏՄ-ն ներկայացնել համակարգչային և/կամ փորձագիտական զննման:
- 10.2.9. Ապահովագրողի և/կամ փորձագետների համապատասխան գրավոր կամ բանավոր պահանջը ստանալուց հետո 2 աշխատանքային օրվա ընթացքում վերջիններիս ներկայացնել ՏՄ-ն հետվթարային վիճակում և այնպիսի պայմաններում և/կամ տարածքում, որը հնարավոր կդարձնի ՏՄ-ի պատշաճ և ամբողջական զննումը և/կամ հետքաբանական փորձաքննության անցկացումը:
- 10.2.10. Ապահովագրական պատահարի հետևանքով վնասված և այնուհետև վերանորոգված և/կամ վերականգնված ՏՄ-ն Ապահովագրողի պահանջով ներկայացնել Ապահովագրողին զննության: Սույն կետի պահանջները Ապահովագրողի կողմից չկատարվելու դեպքում հետագայում ապահովագրական պատահար տեղի ունենալիս Ապահովագրողն իրավունք ունի մերժել ՏՄ-ի այն հատվածների և/կամ մասերի, դետալների վնասները, որոնք նախկինում տեղի ունեցած պատահարների արդյունքում են վնասվել:
- 10.2.11. Պատշաճ ձևով կատարել Ապահովագրողի կողմից տրված ցուցումները, ինչպես նաև Պայմանագրով և Պայմանների այլ դրույթներով Ապահովագրողի համար սահմանված պարտավորությունները:
- 10.3. Ապահովագրողն իրավունք ունի.
- 10.3.1. Պայմանագիրը կնքելուց առաջ պահանջել ՏՄ-ի հետ կապված համապատասխան փաստաթղթերը, Ապահովագրական ռիսկի փոփոխության մասին տեղեկացվելուց հետո Ապահովագրողից պահանջել 5 աշխատանքային օրվա ընթացքում վճարելու ռիսկի մեծանալուն համաչափ լրացուցիչ ապահովագրավճար:
- 10.3.2. Պայմանագրին կից հավելվածներ և/կամ համաձայնագրեր կնքելիս Ապահովագրողից պահանջել լրացուցիչ ապահովագրավճար՝ հավելվածում/համաձայնագրում հաշվարկված գումարի չափով:

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 17/21	

- 10.3.3. Պայմանագիրը միակողմանի դադարեցնել, եթե Պայմանագրի կնքումից հետո պարզվի, որ Ապահովագիրը Պայմանագիրը կնքելիս Ապահովագրողին ներկայացրել է իրականությանը չհամապատասխանող կամ ապակողմնորոշիչ կամ կեղծ կամ ոչ ամբողջական տեղեկություններ՝ պատահարի տեղի ունենալու և դրա արդյունքում հնարավոր վնասի չափը որոշելու համար էական նշանակություն ունեցող հանգամանքների երևան գալու՝ իրեն հայտնի հավանականության վերաբերյալ:
- 10.3.4. Ապահովագրի կողմից Պայմանագրի պահանջների խախտման դեպքում միակողմանի լուծել Պայմանագիրը՝ այդ մասին Պայմաններով սահմանված կարգով հայտնելով Ապահովագրին:
- 10.3.5. Ապահովագրական գործընթացի շրջանակներում լուսանկարել ՏՄ-ն, ինչպես նաև դիմել փորձագետներին (այդ թվում՝ արտասահմանյան)՝ ՏՄ-ի զննում և/կամ հետքաբանական փորձաքննություն անցկացնելու և/կամ ապահովագրական պատահարի պատճառները բացահայտելու և/կամ պատճառված վնասի չափը գնահատելու համար,
- 10.3.6. Իրավասու պետական մարմիններից կամ Ապահովագրական պատահարի վերաբերյալ տեղեկատվությանը տիրապետող այլ անձանցից ինքնուրույն պարզել պատահարի առաջացման պատճառները և հանգամանքները, ինչպես նաև պահանջել Ապահովագրական պատահարի հետ կապված այլ տվյալներ:
- 10.3.7. Կասեցնել ապահովագրական հատուցման գործընթացը Ապահովագրողին անհրաժեշտ հավելյալ տեղեկություններ ստանալու և ՀՀ օրենսդրությամբ սահմանված այլ գործողություններ իրականացնելու համար:
- 10.3.8. Մերժել ապահովագրական հատուցում վճարելը, եթե ապահովագրական հայտի կարգավորման գործընթացում Ապահովագրի կողմից չեն ներկայացվել Պայմաններով նախատեսված բոլոր անհրաժեշտ փաստաթղթերը կամ հնարավոր չի եղել ձեռք բերել պատահարի հետ կապված Ապահովագրողին անհրաժեշտ հանգամանքներն ամբողջությամբ, որոնք անհրաժեշտ են ապահովագրական հատուցման իրականացման վերաբերյալ համապատասխան որոշում կայացնելու համար, ներառյալ՝ տվյալ հայտի գծով Ապահովագրողի կողմից նշանակված փորձաքննության իրականացման անհնարին լինելու կամ փորձաքննության անկատար մնալու դեպքերը:
- 10.3.9. Պահանջել վերադարձնելու արդեն իսկ վճարված ապահովագրական հատուցումն ամբողջությամբ կամ մասնակի, եթե վճարումից հետո օրինական

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 18/21	

ուժի մեջ մտած դատական ակտով հաստատված է համարվել Պատահարում Լիազորված վարորդի մեղավորությունը, և ապահովագրված ՏՄ-ի Լիազորված վարորդն ամբողջությամբ կամ մասամբ ճանաչվել է պատահարում մեղավոր կողմ:

10.3.10. Պահանջել վերադարձնելու արդեն իսկ վճարված ապահովագրական հատուցումը, եթե վճարումից հետո ի հայտ են եկել ապահովագրական հատուցման վճարումը մերժելու՝ Պայմաններով և ՀՀ օրենսդրությամբ նախատեսված հիմքերը:

10.3.11. Օգտվել Պայմանագրով և Պայմանների այլ դրույթներով նախատեսված իրավունքներից:

10.4. Ապահովագրողը պարտավոր է.

10.4.1. Մինչև Պայմանագիրը կնքելը, տրամադրել Պայմանները Ապահովադիրին՝ ծանոթանալու համար:

10.4.2. Պայմանագրի կնքման ժամանակ Ապահովադիրին տրամադրել Պայմանագրի և Պայմանների մեկական օրինակ:

10.4.3. Ապահովագրական հատուցման մերժման դեպքում կայացնել պատճառաբանված որոշում և հնգօրյա ժամկետում առաքել Ապահովադիրին՝ Պայմանների 12.3 կետով նախատեսված ծանուցման եղանակներից որևէ մեկով:

10.4.4. Կողմերը պարտավոր են չիրապարակել և/կամ երրորդ անձանց չտրամադրել իրենց հայտնի դարձած առևտրային, բժշկական, ֆինանսական, ապահովագրական և ՀՀ օրենսդրությամբ գաղտնի համարվող այլ տեղեկություններ, որոնք հայտնի են դարձել իրենց հարաբերությունների արդյունքում, եթե այլ բան նախատեսված չէ ՀՀ օրենսդրությամբ:

10.5. Պայմանների 8-րդ, 9-րդ գլխով և 10.2. կետով (10.2. կետի բոլոր ենթակետերով) սահմանված ՊԱՀԱՆՋՆԵՐԻ ԽԱԽՏՈՒՄԸ և/կամ ՉԿԱՏԱՐՈՒՄԸ կարող է հիմք հանդիսանալ ապահովագրական ՀԱՏՈՒՑՄԱՆ ՄԵՐԺՄԱՆ համար:

11. ՎՆԱՍԻ ՀԱՏՈՒՑՄԱՆ ՊԱՀԱՆՋԻ ԻՐԱՎՈՒՆՔՆ ԱՊԱՀՈՎԱԴՐԻՑ ԱՊԱՀՈՎԱԳՐՈՂԻՆ ԱՆՑՆԵԼԸ (ՍՈՒԲՐՈԳԱՑԻԱ)

11.1. Ապահովագրական պատահար տեղի ունենալու արդյունքում Ապահովադիրին պատճառված վնասից բխող նրա պահանջի իրավունքը վնասը պատճառած անձի (անձանց), ինչպես նաև վերջինիս (վերջիններիս) կողմից վարած տրանսպորտային միջոցի

Sil[®] insurance	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 19/21	

սեփականատիրոջ նկատմամբ անցնում է Ապահովագրողին՝ նրա կողմից հատուցված գումարի մասով:

11.2. Ապահովադիրը պարտավոր է Ապահովագրողին հանձնել իր պահանջի իրավունքը հավաստող փաստաթղթերն ու այլ ապացույցներ՝ հայտնելով իր պահանջի իրավունքն Ապահովագրողի կողմից իրականացվելու համար անհրաժեշտ ամբողջ տեղեկատվությունը: Եթե Ապահովադիրը հրաժարվել է Ապահովագրողի կողմից հատուցված վնասների համար պատասխանատու անձի նկատմամբ պահանջի իրավունքից կամ այդ իրավունքն իրականացնելն անհնարին է դարձել Ապահովադրի մեղքով, ապա Ապահովագրողը լրիվ կամ համապատասխան մասով ազատվում է ապահովագրական հատուցում վճարելուց և իրավունք ունի պահանջելու վերադարձնել ավել վճարված հատուցման գումարը:

11.3. Ապահովագրողն իրեն անցած պահանջի իրավունքն իրականացնում է Ապահովադրի և վնասների համար պատասխանատու անձի միջև հարաբերությունները կարգավորող կանոնների պահպանմամբ:

12. ԱՅԼ ՊԱՅՄԱՆՆԵՐ

12.1. Պայմանագրում փոփոխությունները կատարվում են Կողմերի փոխադարձ համաձայնությամբ գրավոր համաձայնագիր կազմելու միջոցով կամ Պայմանների 6.3. կետով սահմանված եղանակներից որևէ մեկով:

12.2. Պայմանների իմաստով Ապահովագրողի կողմից Ապահովադիրին ուղարկված բոլոր ծանուցումները, որոշումները և գրությունները (այսուհետ միասին՝ Ծանուցում) համարվում են պատշաճ ծանուցված (առաքված), եթե կատարվել են հետևյալ եղանակներից որևէ մեկով.

12.2.1. Ծանուցումը ուղարկվել է փոստային առաքմամբ՝ Պայմանագրում կամ հայցային դիմումում նշված հասցեով:

12.2.2. Ծանուցումը ուղարկվել է քջջային հաղորդագրությամբ՝ Պայմանագրում կամ Ապահովադրի և/կամ նրա լիազորված անձի կողմից տրամադրված այլ փաստաթղթի մեջ (հայցային դիմում, հայտարարություն, և այլն) նշված հեռախոսահամարին:

12.2.3. Ծանուցումը ուղարկվել է էլեկտրոնային նամակի տեսքով՝ Պայմանագրում կամ հայցային դիմումում նշված էլեկտրոնային փոստի հասցեով:

12.3. Վերոնշյալ հասցեների և/կամ Պայմանագրում նշված կողմերի տվյալների (հասցե, հեռախոսահամար, բանկային տվյալներ և այլն) փոփոխության դեպքում Ապահովադիրը պարտավոր է այդ մասին փոփոխությունից հետո ոչ ուշ, քան մեկ աշխատանքային օրվա

 «ՍԻԼ ԻՆՇՈՐԱՆՍ» ԱՓԲԸ	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»
	S – 1.0	21.04.2025
Էջ 20/21		

ընթացքում գրավոր ձևով կամ էլեկտրոնային եղանակով տեղեկացնել Ապահովագրողին: Եթե Ապահովագրողը չի տեղեկացվել հիշյալ փոփոխությունների մասին, ապա Ապահովագրողին բոլոր Ծանուցումները ուղարկվում են նրա վերջին հայտնի հասցեով և համարվում են պատշաճ առաքված (հանձնված), իսկ Ապահովագիրը՝ պատշաճ ծանուցված, անկախ փաստացի ծանուցված լինելու հանգամանքից: Նման դեպքում Ծանուցման սկիզբ է համարվում դրա ելքի ամսաթիվը, և Ընկերությունը որևէ պատասխանատվություն չի կրում բացասական հետևանքների համար:

12.4. Պայմանագրի և Պայմանների դրույթների միջև անհամապատասխանության դեպքում գերակայությունը տրվում է Պայմանագրին:

12.5. Պայմանագիրն ուժի մեջ է մտնում այն երկկողմանի կնքելու պահից, եթե այլ բան նախատեսված չէ Պայմանագրով:

13. ԱՆՀԱՂԹԱՀԱՐԵԼԻ ՈՒԺ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

13.1. Կողմերն ազատվում են Պայմանագրով սահմանված պարտավորություններն ամբողջությամբ կամ մասնակիորեն չկատարելու պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել, որն անմիջականորեն հանգեցրել է պայմանագրային պարտավորությունների ամբողջությամբ կամ մասնակիորեն կատարման անհնարինությանը: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը:

13.2. Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի միակողմանի վաղաժամկետ լուծել Պայմանագիրը՝ այդ մասին մյուս Կողմին առնվազն 15 օր առաջ տեղյակ պահելով:

13.3. Պայմանագրով սահմանված պարտականությունների իրականացման վրա անհաղթահարելի ուժի ազդեցությունը պարտավոր է ապացուցել այն Կողմը, որի պարտականությունների իրականացմանն է խոչնդոտում նման ազդեցությունը:

14. ՎԵՃԵՐԻ ԼՈՒԾՄԱՆ ԿԱՐԳ

	«ՍԵՅՖ ԴՐԱՅՎ» ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ	Կող /09-ՊՄ25-001/«ՀՐՊ»	
«ՍԻԼ ԻՆՇՈՐԱՆՍ» ԱՓԲԸ		S – 1.0	21.04.2025
		Էջ 21/21	

14.1. Պայմանագրի շրջանակներում և դրա գործողության ընթացքում ծագած վեճերը լուծվում են բանակցությունների միջոցով: Բանակցությունները սկսվելու օրվանից մինչև 30 աշխատանքային օրվա ընթացքում համաձայնություն ձեռք չբերվելու դեպքում վեճերը լուծվում են ՀՀ օրենսդրությամբ սահմանված կարգով:

14.2. Պայմանագրի շրջանակներում և դրա գործողության ընթացքում ծագած վեճերի դեպքում Պայմանագրով չնախատեսված հարցերի կարգավորումն իրականացվում է ՀՀ օրենսդրությամբ սահմանված կարգով: